

تاریخ دباچ: 29 سیقتیمبر 2023 م / 13 ربیع الأول 1445ھ



ISLAMIC • SAVIOUR • OBEDIENCE

خطبة جمعة

تاجوق:

"جادیله همبا یغ بردعاء"

تربیتن :

اونیت خطبة، بهاکین قغوروسن مسجد

جابتن اگام اسلام سلاغور

"جاديله همبا يغ بردعاء"

الْحَمْدُ لِلَّهِ الْقَائِلِ: وَإِذَا سَأَلَكَ عِبَادِي عَنِّي فَإِنِّي قَرِيبٌ أُجِيبُ
دَعْوَةَ الدَّاعِ إِذَا دَعَانِ فَلْيَسْتَجِيبُوا لِي وَلْيُؤْمِنُوا بِي لَعَلَّهُمْ يَرْشُدُونَ

1 ١٨٦

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا
عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ! أُوْصِيكُمْ وَإِيَّايَ بِتَقْوَى
اللَّهِ فَقَدْ فَازَ الْمُتَّقُونَ.

قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا
تَمُوتُنَّ إِلَّا وَأَنْتُمْ مُسْلِمُونَ²

مسلمين يغ درحمتي الله،

ماريله كيت تيغكتكن كتقواءن كحضرات الله سبحانه
وتعالى ياءيت منوروت سكالاً قرينتهن دان منجاءوهي

¹ al-Baqarah : 186.

² ali-Imran : 102.

لارغش سوقاي كيت ممقراوليه كرضاءن دان كبركتن
هيدوف ددنيا دان داخيرة.

خطبة هاري اين اداله برتاجوق "جاديله همبا يغ
بردعاء."

مسلمين يغ درحمتي الله،

عملن بردعاء مروفاكن ساله ساتو درقد ايليمن يغ
قنتيغ دالم كهيدوفن سساورغ مسلم. حكوم بردعاء اداله
سنة اتاوقون مُسْتَحَب (دكالككن). اي مروفاكن قفاكوان
كقد ككواساءن الله سبحانه وتعالى. سروان بردعاء بوليه
دلاكوكن سام اد دالم كاداءن سنغ اتاو سوسه، دكالا
سوك ماهوقون دوک، سچارا برسنديرين اتاو برجماعه.
قرينته بردعاء ترداقت دالم سورة البقرة ايات 186:

وَإِذَا سَأَلَكَ عِبَادِي عَنِّي فَإِنِّي قَرِيبٌ ۖ أُجِيبُ دَعْوَةَ الدَّاعِ إِذَا دَعَانِ ۗ

"دان اقابيلا همبا-همباكو برتاش كقدامو مغاناي اكو،
مك (بريتاهو كقد مريك) "سسوغكوهن اكو سنتياس
همفير (كقد مريك). اكو فركننكن فرموهونن اورغ يغ
بردعاء اقابيلا اي بردعاء كقداكو!.."

منوروت امام القرطبي، ايات اين منونجوقكن قرينته
الله سبحانه وتعالى سوقاي سنتياس بردعاء دان برعباده
كفدات دان دجنجيكن بهاوا دعاء ٢ يغ دقوهون اكن
دقبولكن.

دمكين جوگ الله سبحانه وتعالى مورک ترهادف اورغ
يغ تيدق بردعاء. فرمان الله سبحانه وتعالى دالم سورة
غافرايات 60:

إِنَّ الَّذِينَ يَسْتَكْبِرُونَ عَنْ عِبَادَتِي سَيَدْخُلُونَ جَهَنَّمَ دَاخِرِينَ ﴿٦٠﴾

"سسوغكوهش اورغ ٢ يغ سومبوغ تكبور درقد برعبادة
دان بردعاء كفداكو، اكن ماسوق نراك جهنم دالم
كأداءن هينا."

أبو هريرة رضي الله عنه قولا مروايتكن تنتغ كلبين
بردعاء سقرتي دالم حديث نبي ﷺ برسبدا:

لَيْسَ شَيْءٌ أَكْرَمَ عَلَى اللَّهِ تَعَالَى مِنَ الدُّعَاءِ

"تيدق اد سسواتو يغ لبيه موليا دسيبي الله سبحانه
وتعالى درقد بردعاء."

(رواية الترمذي).

مسلمين يغ موليا،

عملن ساليغ مندعاءكن انتارا ساورغ دغن يغ لاءين اداله سنه رسول الله ﷺ يغ سواجرث منجادي ايكوتن دان تاو لادن اوليه ستياف اومتش. دعاء برقرنن منجالين كاسيه سايغ دان مغرتكن فرهوبوغن مسرا سسام انسان. سباكاي چونتوه، رسول الله ﷺ مپوروه كيت مندعاءكن اورغ يغ برسین. حديث درقد أبو هريرة رضي الله عنه بهاوا رسول الله ﷺ برسبدا يغ برمقصود:

"اقابيلا ساله ساورغ درقد كامو برسین، مك هندقله اي مپبوت الحمد لله. دان منجواب باكي ساودارا اتاو صحابتن يَرْحَمُكَ اللهُ (سموك الله مرحمتيمو). مك اقابيلا سساورغ مپبوت كقدان (اورغ يغ برسین) يَرْحَمُكَ اللهُ، مك هندقله مپبوت يَهْدِيكُمْ اللهُ وَيُصْلِحْ بِالْكُمُ (سموك الله ممبري فتونجوق دان ممقرباءيقي صفتمو)." (رواية البخاري).

ابن عباس رضي الله عنهما قولاً منچريتاكُن قغالمنش ملالوئي سبواه حديث، "سواتو كتيك نبي محمد ﷺ مماسوقي بيليق اير. لالو اكو ملتقن اير اونتوق بكيندا

بروضوء. بکیندا برتاش! سیاڤاکه یغ ملتقن اءیر این؟
ستله بکیندا دبریتاهو، بکیندا قون بردعاء:

اللَّهُمَّ فَفِّهِ فِي الدِّينِ

"يا الله قندا يکنله دي دالم بيدغ اكام."

(رواية البخاري).

دمکین جوک اڤابیللا منداقت بریتا بهاوا صحابة کیت
دتمیقا مصیبة سام اد دسببکن کماتین اتاو سباکایش،
سنة کیت مغوچقکن تعزیه اتاو مندعاءکنش تندا سیمقاتی
سڤرتی برایکوت:

إِنَّا لِلَّهِ وَإِنَّا إِلَيْهِ رَاجِعُونَ

دالم کتاب الازکار، لفظ تعزیه ایاله:

أَعْظَمَ اللَّهُ أَجْرَكَ، وَأَحْسَنَ عَزَائِكَ، وَغَفَرَ لِمَيِّتِكَ

"سموگ الله ممبسرکن قهالامو دان ممباءیقکن
کصبرنمو دان مغمقونکن باکی سی ماتیمو."

دمکینله ایندهش اسلام مندوروغ اکر اومتش سالیغ
مندعاءکن تنقا مغيرا کدودوقن دان قعکت، تنقا مغيرا

اورغ یغ دکنلی اتاو تیدق. عملن این سوده قستی داقت
منجالین کاسیه سایغ دان قرهوبوغن یغ مسرا سسام
اومت. لبیه ۲ لاکي مندعاءکن اورغ تنقا قغتهاوانش ایت
اداله انتارا دعاء یغ تیدق اکن ترهالغ.

حاضیرین یغ درحمتی الله سبحانه وتعالی،

سسوغکوهش ستیاف دعاء اتاو قرموهونن کقد الله
سبحانه وتعالی ایت هندقله دایریغی دغن صفة تقوی،
یاءیت منونایکن قرینته الله سبحانه وتعالی دان منیغکلکن
لارغش، سوقای دعاء ایت دمقبولکن، تیدق ترکنتوغ-
کنتوغ اتاو دتولق.

دالم کتاب المَجَالِسِ السَّنِيَّةِ، سآورغ اهلی صوفی برنام
إبراهیم بن ادهم، کتیک برجالن دقاسر بُصْرَى، اورغ
رامای داتغ مغرومونیش، دانتارا مریک اد یغ برتاش؛ "کامی
سوده بردعاء، تتاڤی کناف دعاء کامی تیدق دقبولکن؟"
إبراهیم بن ادهم لنتس منجواب؛ "دعاء کامو تیدق
دمقبولکن کران هاتی ۲ کاموتله ماتی، دغن ببراڤ سبب؛

1. کامو مغلل الله، تتاڤی کامو تیدق میمقورناکن

حقن.

2. كامو ميڠك كامو منچينتائي رسول الله ﷺ، تتائي كامو منيڠكلكن سنهش.

3. كامو ممباچ القرءان، تتائي كامو تيدق برعمل دغنش.

4. كامو ماكن نعمت ٢ الله، تتائي كامو تيدق برشكور كقدان.

5. كامو كاتاكن بهاوا ماتي ايت بنر، تتائي كامو تيدق برسديا اونتوقش.

درقد كات ٢ ترسبوت، جلس ممبايڠكن بتاف دعاء ايت اداله بركاءيت راقت دغن هاتي، ياءيت هاتي يڠ هيدوق دغن عملن سرتا ايمان دان تقوى، يڠ اكن ممقراوليبي كمورهن دان قركنن الله سبحانه وتعالى.

مسلمين يڠ درحمتي الله سبحانه وتعالى،

قارا علماء مپاتاكن، اورغ يڠ واجر ددعاءكن انتاراش؛

1. مندعاءكن نبي محمد ﷺ دغن مڠوچقكن صلوات كقد بكنندا. حديث درقد أبو هريرة رضي الله عنه بهاوا رسول الله ﷺ برسبدا:

مَنْ صَلَّى عَلَيَّ وَاحِدَةً صَلَّى اللَّهُ عَلَيْهِ عَشْرًا

"سياڦا يڠ مڠوچڦڪن صلوات اونتوقكو ساتو كالي، الله
اكن ممبريش رحمة سڦولوه كالي ڪندا."
(رواية مسلم).

2. مندعاءڪن اهلي ڪلوارڪ رسول الله ﷺ، ڦارا
صحابة دان ڦڦيڪوت بڪيندا، سلقس سمڦورنا
مڠوچڦڪن دعاء دان صلوات ڪاٽس بڪيندا.

3. مدعاءڪن ايوبو باڦ ڪيت، سباڱاي ممبالس جاس
ڪدواش يڠ مملهارا دان منديديڦش دوڦتو ڪچيل، دڦن
دعاء مموهون الله سبحانه وتعالى ممبري ڪاٽمڦونن دوسا
مريڪ.

4. مندعاءڪن انق سوڦاي منجادي انق يڠ صالح
سباڱايمان نبي ابراهيم عليه السلام مندعاءڪن انقش دالم
سورة الصفات ايات 100:

رَبِّ هَبْ لِي مِنَ الصَّالِحِينَ ﴿١٠٠﴾

"واهاي توهنڪو! ڪورنياڪن ڪڦداڪو انق يڠ ترڪولوڦ
درڦد اورڦ ۲ يڠ صالح."

5. مندعاءڪن علماء دان ڪورو يڻ مڃاگر ڪيت علمو يڻ برمنفعة. اي مروڦاڪن ادب ترهادڦ ڪورو، سموگ علمو يڻ دآجرايت منداقت ڪبرڪتن.

6. مندعاءڪن اورغ يڻ بربواة باءيق ڪڦد ڪيت. رسول الله ﷺ مپوروه بردعاء؛ جَزَاكَ اللَّهُ خَيْرًا مقصودن: "سموگ الله ممبالسمو دغن ڪباءيقن."

(رواية ابن حبان).

7. مندعاءڪن اورغ يڻ مموسوهي ڪيت ترماسوق يڻ بوڪن اسلام دغن دعاء:

اللَّهُمَّ اهْدِ قَوْمِي فَإِنَّهُمْ لَا يَعْلَمُونَ

8. سلاءين درڦد ايت، منوروت فُضَيْلُ بن عِيَاض، سڪيراڻ اڪو ممڦوپاءي دعاء يڻ مستجاب، نسچاي اورغ يڻ ڦرتام اڪو دعاءڪن ايااله ڦميمڦين اڪو، ڪران، جڪ ڦميمڦين ايت باءيق، نسچاي باءيقله رعيت دان سجهتراله نڪارا.

مسلمين يڻ درحمتي الله،

والاو باگایماناقون، کیت دایگتکن جاغن سسکالی
مموهون سسواتو دعاء یغ تیدق بائق کأتس دیری
سندیری، انق، هرتا بندا، اتاو کأتس سسیاقا سهاج دری
همبا الله سقرتی مندعاءکن سسأورغ سوقای دلعنة الله
سبحانه وتعالی، دقیندیقکن اوسیا، دتیمقاکن بالا بنچان،
دموسنهنکن هرتا بندا دان لاءین ۲ فرکارا بوروق. اسلام
مغاجر کیت سکیراڻ دظالیمی اولیه سسأورغ مک هندقله
مپرهنکن فرکارا ایت کقد الله سبحانه وتعالی.

منوروت عائشه رضي الله عنها بهاوا رسول الله ﷺ
سوک ممیلیه دعاء ۲ یغ لگکف دان قادت یغ مغهمقونکن
فرکارا قنتیغ مغنای اوروسن دنیا دان اخیره. انتارا دعاء ۲
بکیندا اداله:

اللَّهُمَّ إِنِّي أَسْأَلُكَ الْعَافِيَةَ فِي الدُّنْيَا وَالْآخِرَةِ اللَّهُمَّ ارْزُقْنِي
طَيِّبًا وَاسْتَعْمِلْنِي صَالِحًا اللَّهُمَّ إِنِّي أَسْأَلُكَ الْهُدَى وَالتَّقَى
وَالْعَافَافَ وَالْغِنَى

"يا الله اكو مموهون كسلامتن ددنیا دان دأخیره، يا
الله، بريله كامی رزقی یغ بائق (حلال) دان جادیکن کامی
سأورغ یغ صالح (بائق عملن). يا الله، اكو مموهون

فتونجوق، تقوى، كسوجين ديري، دان بركنتوغ قد ديري
سنديري."

دمكين جوگ سساورغ يغ بردعاء ايت دسارن سوقاي
مملهارا ديريش درقد ماكن مينوم يغ حرام، كران يغ دمكين
ايت اداله ساله ساتو شرط يغ ترفنتيغ باكي فزيماءن
دعاء. قارا علماء بركات: "دعاء ايت لقسان كونچي، دان
انق كونچيش اياه ماكنن يغ حلال."

ساودارا ۲ مسلمين يغ موليا،

باكي مفاخيري خطبة اين، ماريله كيت مفاحياتي
سارنن برايگوت:

1. اومت اسلام هندقله يقين بهاوا الله سبحانه
وتعالى بركواس مفابولكن دعاء همباش، سام اد مپكراكن
اتاو منغگوهكنش.

2. اومت اسلام هندقله ساليغ مندعاءكن انتارا
ساتو سام لاءين سوقاي سلامت درقد كموركاءن الله
سبحانه وتعالى دان سلامت درقد عذاب افي نراك.

3. اومت اسلام دلاړغ مندعاءكن سسياقا سهاج
همبا الله اكن سسواتو فركارا يځ تيدق بايق والاقون
كقد ديري سنديري.

4. اومت اسلام هندقله بردعاء دغن هارفن ترانمله
صفة محموده دان تربواغله صفة مذمومه.

أَعُوذُ بِاللَّهِ مِنَ الشَّيْطَانِ الرَّجِيمِ
أَدْعُوا رَبَّكُمْ تَضَرُّعًا وَخُفْيَةً إِنَّهُ لَا يُحِبُّ الْمُعْتَدِينَ ﴿٥٥﴾

"بردعاءله كقد توهن كامو دغن مرنده ديري دان
(دغن سوارا) فرلاهن-لاهن. سسوغكوهن الله تيدق سوک
كقد اورغ ۲ يځ ملمقاوئي باتس."

(سورة الأعراف : 55).

بَارِكْ اللَّهُ لِيْ وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ
بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلْ مِنِّي وَمِنْكُمْ
تِلَاوَتَهُ، إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِيْ وَلَكُمْ وَلِسَائِرِ
الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ
مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ! اتَّقُوا اللَّهَ! أَوْصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ.

حاضيرين يغ درحمتي الله سكالين،

ماريله سام ٢ كيت برتقوى كقد الله سبحانه وتعالى
دغن ملاكوكن كطاعتن كقداش دان منجاءوهكن ديري درقد
قربواتن كجي دان معصية.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ
وَسَلِّمُوا تَسْلِيمًا ﴿٥٦﴾

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ وَيَا قَاضِيَ الْحِجَاتِ. اللَّهُمَّ أَعِزِّ الْإِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ وَالْمُشْرِكِينَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ تَحْفَظَ بَعَيْنِ عِنَايَتِكَ الرَّبَّانِيَّةَ، وَبِحِفْظِ وَقَايَتِكَ الصَّمَدَانِيَّةَ، جَلَالَةَ مَلِكِنَا الْمُعْظَمِ، سُلْطَانَ سِلاغُور، سُلْطَانَ شَرَفُ الدِّينِ ادريس شاه الحج ابن المرحوم سُلْطَانَ صَلَاحُ الدِّينِ عبد العزيز شاه الحج. اللَّهُمَّ أَدِمِ الْعُونَ وَالْهِدَايَةَ وَالتَّوْفِيقَ، وَالصِّحَّةَ وَالسَّلَامَةَ مِنْكَ، لِيُؤَيِّ عَهْدِ سِلاغُور، تَغْكَو أمير شاه ابن السُّلْطَانَ شَرَفُ الدِّينِ ادريس شاه الحج، فِي أَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطْلُ عُمْرَهُمَا مُصْلِحِينَ لِلْمُوظَّفِينَ وَالرَّعِيَّةَ وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرِّشَادِ.

يا الله، كورنياكله فتونجوق كقد كامي اونتوق منديريكن صلاة فرض ليم وقتو سچارا برجماعة، منونايكن

زكاة ملالوئي لمباک زکاة سلاڠور، موقفکن هرتا ملالوئي
قربادنن وقف سلاڠور دان مڠینفاقکن هرتا قد تابوڠ إنفاق
جارية اومت إسلام سلاڠور (تيجاري) دان کڤد انق ۲ يتيم
ملالوئي يایسن إسلام دارالإحسان.

جادیکنله کامي انتارا همبامو یغ منجاک امانه. کواتکن
ایمان کامي اکر منجاوهي قربواتن خیانه سرتا جاءوهکن
کامي ترماسوق دالم کولوڠن یغ مڠابایکن تڠکوڠجواب
دان جاءوهي نکري دان نکارا کامي درڤد کهنچورن
دسببکن قربواتن رسواه، قیلیوینن دان ساله کونا کواس.
سرهکن تڠکوڠجواب ممیمڠین نکارا کامي کڤد همبامو یغ
امانه دان جوجور سرتا تڠس لاکي براني منکڠکن کبیرن
دان ملقساناکن کعادیلن برلندسکن شریعة. جادیکنله یا
الله مسجد دان سوراو دنکري سلاڠور رومه-رومهمو یغ
امان، ممقرساتوکن دان منجادی نادي کقواتن أمة.

اللَّهُمَّ يَا دَافِعَ الْبَلَاءِ، اِدْفَعْ عَنَّا هَذَا الْوَبَاءَ وَالْبَلَاءَ وَالْمَرَضَ
وَالشَّدَائِدَ وَالْمِحْنَ، بِلُطْفِكَ يَا لَطِيفُ إِنَّكَ عَلَى كُلِّ شَيْءٍ
قَدِيرٌ وَبِالْإِجَابَةِ جَدِيرٌ.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا

٧٤

رَبَّنَا ءَاتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ ﴿٢١﴾
عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَى وَيَنْهَى
عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾
فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَى نِعَمِهِ يَزِدْكُمْ،
وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا
تَصْنَعُونَ.